

آبونه شرائطی

داخلی، خارجی، هریزایجون
سنه لکی (۲۵۰)، آلتی آیلانی
(۱۳۰) غروشددر .

نسخه سی ۵ غروش ،
سنه لکی ۵۲ نسخه در

اداره خانه

باب عالی جاده سننده دائره مخصوصه
اخطارات

آبونه بدلی بهیندر

مسلكه موافق آثار مع المنونیه
قبول اولنور . درج ایدلهین
نازیر احاده اولوقاز

والله یهدی من یشاء الی صراط مستقیم

محمد عاكف

اشرف اویب

اتبعون اهدکم سبیل الرشاد

عدد : ۴۵۱

۱۸ ربیع الاول ۱۳۳۸

پنجشنبه

۱۱ کانون اول ۱۲۳۵

جلد ۱۸

کتابخانه

اخطارات

ادرس تبدیلنده آبرجه بهی
غروش کوندرملیدر

مکتوبلرک امضالری واضح
واوقورناقلی اولسی و آبونه صبره
نومروسی محتوی بولنسی
لازمدر

مالک اجنبیه ایچوق آبونه اولالارک
آدرس لری نلک فرانسیزجه ده یازلسی
رجا اولنور

باره کوندرلهدیکی زمان نهیه دائر
اولهینی واضحاً بیلدیرلسی
رجا اولنور

۱۲۳۵

دینی ، فلسفی ، علمی ، ادبی ، سیاسی ، تنقذلق مجموعه اسلامیه در
باش محرر
صاحب و مدیر مسئول

بیانات جلیلہ حضرت پادشاہی

فات حضرت پادشاہی ، آمریقادہ بیک ایکویوز یومی غزنی قی تمیل ایدن . مطبوعات متحدہ ہیٹی مخبری میسر (ہایت) ی حضور شاہانہ لہینہ قبول ہووہرق آئیدہ کی بیانات مہمدہ بولونمشلردر :

صلح عقد ایدیلیر ایدلر مسائل داخلہ مزی تنظیمہ باشلاہ جغز . ایلک دوشونجہ من عنعنات دینہ و ملیہ مزک محافظہ سی در . بوندن سوگرہ دول معظمہ نک معاوتیلہ مملکتک اسباب ترقیسی تأمینہ طرفدارم . استقبالدہ یکی بر تورکیا تأسس ایدہ بیلہ جگنہ و مملکتک تجدد و فلاحہ و ترقیات اجتماعیہ مظهر اولاجغہ صمیمی صورتدہ اعتماد وارور . اہلین مستعد و ناموسکار آدملردر . تحصیل عمومی اساسی تطبیق ورفاء مادی اسبابی احضار ایدہ جک اولورسہق سریع بر انکشافہ مظهر اولاجقلردر . بو غایہ لک حصولی ایچون بتون قدرتملہ چالیشہ جغم . تورکیا اصلاحاتہ مظهر اولونجہ شرقدہ کی صلح و ترقی بہ مہم بر مرکز تشکیل ایدہ جکدر . بو زمیندہ چالیشمق خصوصندہ کی عزیم ناقابل ترزلردر .

قادیلر مزک وضعیتہ کلنجہ اساسات دینہ مزک تمامی تطبیق سایہ سندہ ہم کندیلرینہ آمریقادہ کی ہمشیرہ لری درجہ سندہ حقوق تأمین ایتک ، ہم دہ شرف و حیثیتلری و عائلہ رئیسہ سی صفیلہ حائر بولندقلری مزیتلری ادامہ یہ موفق اولق ممکندر . بزم دینم ترقی بہ مانع دکدر . صاحب ایمان مسلمانلرک عصرلردن بری رعایت ایتدیکی عشرت ممنوعیتک آمریقادہ تطبیقندن دولای بویوک بر ممنویت دویق . اگر اساسات دینہ یہ حقیلہ رعایت اولونورسہ هیچ برایش سکتہ یہ اوغراماز . بالعکس فیض و ترقی دہا اساسی بر صورتدہ تأمین ایدلش اولور .

صوک بر سوز اولق اوزرہ بزی زیارت ایدن و سسویلندیکی گی فنا آدملر اولمادیغمز آکلایان آمریقایلرہ تشکر و آمریقا عدالت و حقایق حقندہ کی اعتمادی بیان ایتک ایسترم .

و صلحک سریمآ عقدی شایان آرزودر . حال حاضر حال حربدن بیلہ قنادر . چونکہ شرائط سیاسیہ ، اقتصادیہ و مالیہ مزی سکتہ دار ایتککہ بیلہ بوقدر اوزون بر انتظار ، چوقدن بری حرب ایچندہ بولونان اہالینک احوال معنویہ سنہ سوء تأثیر ایدر . سفالت و خستہ لق کبی الیم نتیجہ لری دہ واردر . بزم آرزو ایتدیکنم صلح شرقدہ صلح دائمی ی تأمین ایدہ جک بر صلحدرکہ بو اوروپا دولتلرینک دہ منفعتہ موافقدر . شرقدہ صلحک تأمین ایتہ تورکیانک مستقل قالماسنہ وابستہ در . شرقی طانیانلرک بو نقطہ نظری قبول ایتہ ملرینہ احتمال یوقدر . عالم اسلامی تطمین ایچون دہ بزم استقلال مزک ادامہ سی چارہ یکانہ در . آمریقا اعیانندہ جریان ایتکدہ اولان مذاکراتہ کلنجہ دیگر مللر میسر ویلسونک تمہدلرندن تمامیلہ مستفید اولورکن بزم محروم بر اقلما مزک نہ قدر مخالف حقانیت اولدینی آشکاردر . بوتون متفق دوللر ویلسون پرہنسیلری قبول ایتشلردر . ہپسنک حس حقانیتہ اعتمادیمز واردر . بو ایشک ایچندہ شرف ملیسی موضوع بحث بولونان آمریقا ملتہ دہ اعتمادیمز واردر . آمریقا میلیونلر جہ تورکک و عالم اسلامک امیدلری بوشہ چیقارمہ جقدر .

تورکیا مسائلہ بی طرفانہ بر صورتدہ تدقیق ایدلر ، سوء ادارہ یہ رغماً اہالیزک بک چوق مزیتلری اولدینی و خارجدہ ظن ایدلدیگندن چوق فضلہ حائر لیاقت بولندینی تسلیم ایدرلر . بک چوق آمریقایلر واردرکہ حقمز دہ مفتریاتہ اینانیمارق بزم نہ قدر بویوک مشکلات ایلہ محاط اولدینمزی تقدیر ایتکدہ درلر . بو آمریقایلرک بزم فارشی کوستریلن طرز حرکتی تفسیح ایتدکلری شہہ سزدر .

بر عقد متیمن

رقیہ صبیحہ سلطان حضرت تلریلہ شہزادہ عمر فاروق افندی

حضرت تلرینک امر مسنون عقدلری

مطبوعات مدیریت عمومیہ سندن تبلیغ اولونمشدر :

ایچندہ نامزد لکلری اجرا بیورلش اولان کریمہ عصمت و سیمہ حضرت شہریاری دولتلو عصمتلر رقیہ صبیحہ سلطان حضرت تلریلہ ولی عہد سلطنت دولتلو نجابتلو عبدالمجید افندی حضرت تلرینک مخدوم نجابت موسوم ہالیری دولتلو نجابتلو عمر فاروق افندی حضرت تلرینک امر مسنون عقدلری ولادت باہر السعادت حضرت رسالتناہی بہ مصادف لیلہ مبارکہ نک انوار قدسیہ سندن فیوضات معنویہ اقتباس امنیہ دیانت پروریسیلہ اشو شہر ربیع الاولک اون برنجی جمعہ کونی صلاۃ عصری متعاقب روحانیت جناب پیغمبری بہ توسلاً و تیناً طوب قابو سرای

ہمایونندہ خرقہ سعادت دائرہ فاخرہ سندہ شیخ الاسلام حیدری زادہ ابراہیم افندی حضرتلری و ساطتیلہ و سلطان حضرتلری طرفندن سرکاتب حضرت شہریاری علی فواد بک و شہزادہ حضرتلری طرفندن دہ ہر قرین حضرت شہریاری ہر یاور پاشا و کالتیلہ اجرا قلنمش و امر مسنون عقدی متعاقب حجرہ فاخرہ دہ موفقیات سنہ حضرت پادشاہی تضرعاتہ تردیف دولت و ملتک سلامتی و طرفینک سعادت حقندہ دعا اولنمشدر .

بو عقد متیمنہ ولی عہد سلطنت دولتلو نجابتلو عبدالمجید افندی حضرتلری بالذات حاضر بولونمشلردر . سلطان حضرت تلرینک شاہد لری ، دارالسعادت آغاسی جعفر آغا ایلہ خزینہ ہمایون مدبر عمومیسی رفیق بک اولنمشدر . شہزادہ حضرت تلرینک شاہد لری ایسہ داماد حضرت پادشاہی بیکباشی اسماعیل حق بک ایلہ سریاور حضرت شہریاری میرآلای ناجی بک ایدی .

اشانی عقددہ مابین ہمایون ارکانی کاملاً حاضر بولونمشلردر .

عقدك اجراسنى متمائب حضاره شربتلى اكرام ايدلمش ومدعوين
آقشام ساعت دردنده طوب قابو سرايندن مفارقت ايله مشلردر.
عقد واقمك سلطان وشهزاده حضراتى حقنده متيمن ومبارك
اولماسنى تمى ايلر وشوكت ماب افندمن حضرتلرينك سده سنه لرينه
ولى عهد حضرتلرينك عتبه نجابتناهلرينه عرض تبريكات وتعظيمات
ايدم رز.

خطبه حضرت مشيختپناهي

قبل العقد ذات حضرت مشيختپناهي طرفندن منظوم اوله رق ايراد
بويورولان خطبه دعائيه در:

يامن زكت النفوس من طيب ناك	لامجا لاملاذ لاكلهف سواك
يامن بك حاجتى وروحى بيدك	عن غيرك اعرضت واقبلت اليك
مالى عمل صالح استظهر به	قد جئتكم راجياً توكلت عليك
اي اضرك نكاحى ناسه مشروع قيلان	شدتله سفاحى رد ومنوع قيلان
لطف وكرمك بوايشده موجود ايله	تير نظر حاسدى مرودود ايله
بو سلطنتك ظلى عمدود ايله	شهزاده لرى فريخ ومسعود ايله
ياربى بو حاضرولى شادان ايله	بو عقد ايله پر نشته وخندان ايله
بو امر جاييله ميمنت سندندر	سلطان رسل عشقنه آسان ايله

حمداً للحلل النكاح	شكراً للحرم السفاح
فرد بعباده بصير	لا تدله ولا نظير
يامن لطيفه السلوك	يامن خضعت له الملوك

اي ايزد باك اي خداوند	اي نيست ترا شريك وماوند
اي زيب عروس عالم از تو	اي شوخى نوع آدم از تو
جويند زجان ودل نشانت	شاهان جهان در استانت
خواهند يكانه دستكبرى	باچشم پر آب چون فقيرى
آن كن كه مرادل بينند	در سايه رحمت نشينند
آن كن كه رضاي تو بيايند	در راه رسول تو شتابند

ياربى ياشات بو خاندانى	بخش ايت آكا عمر جاودانى
وار ايت بو سلاله وحيدى	سوندرمه بو شعله اميدى
بو نسل نجيبى كامران ايت	اسلامه هميشه سايبان ايت

قصيده حضرت مشيختپناهي

عقد متيمن مناسبيله شيخ الاسلام حيدرى زاده ابراهيم افندى حضرتلرينك
انشاد بيورد قلرى قصيده خرادر:

بركون كه حضور پادشاهى	اولمشدى اعظمك پناهي
ياننده خواصى بندگانك	اركان جليلى خاندانك
الديردي بو عاجزى حضوره	يوز سوردم او آستان نوره
شاهانه قبول ايله برابر	اولدم شرف خطابه مظهر
امر ايتدى او پادشاه اعظم	خاقان موقر ومعظم
معلوم اوله جمله بندگانك	اغيانه رجاله خاندانه

كوردم ولى عهدمك دهاسن	آثار صداقت ووفاسن
ايتدم خدماتنه مقابل	شهزاده سن التفاه نائل
ايتدم اونجيب وايه دارى	داماد عزيز شهرىاي
اولسون او كرىمك رفيقى	بر همسر وصادق وشفيقى
فرداشب مغفرت فزادر	مولود رسول كبريادر
تشريف قدوم احمديدن	فيض نظر محمددين
عكس ايتدى شرف بتون جهانه	فخر ايلدى ارض آسمانه
نعمت بيله لوم بو وقت سعدى	تسعيد ايدم لوم بونكله عقدى
ويرسون اوده عقدك بشقه زينت	قدسييت خرقة سعادت
بتسون او محله امر مسنون	معناً اوله لوم فخور ومنون
بر داب قديم آل عثمان	بر موجب حكم امر وفرمان
ايتدم او محله عقدى اجرا	هر نقطه ده ميمنت هويدا
آقيشلا دى بونده پادشاهى	قانون كفائت الهى
ويردى بونكاحه بشقه برشان	يوكسلدى مقام آل عثمان
ماه ايلدى برج شمسى منزل	شاه كللى بلبل ايتدى محفل
يارب بو خليفه كزىنى	بو خسرو معدلت قرينى
بر پادشاه جهان ستان ايت	فاروق معظم زمان ايت
طوتسون بو جهانى صيت عدلى	دائم اوله عبال وحقه ميلى
ياربى ياشات بو خاندانى	بخش ايت آكا عمر جاودانى
وار ايت بو سلاله وحيدى	سوندرمه بو شعله اميدى
بونسل نجيبى كامران ايت	اسلامه هميشه سايبان ايت
خامم نظر ايتدى شش جهانه	قيد ايتدى بو بيقى خاطرانه
۶۳ ۲۱۲ ۵۵ ۸۵	۴۲۳ ۴۹ ۵۴۶
جنى پرى آدمى دعاده	برلشدى بوايكى شاهزاده

۱۳۳۲ سنه هجره
۶ ش جهات تعبيه صورتيله
۱۳۳۸

موعظه

دار الحكمة الاسلاميه اعضا سنده استاد محكم فريد بك افندى
آياصوفيه ده كي موعظه لرى

— ۳ —

اعوذ بالله من الشيان الرجيم. بسم الله الرحمن الرحيم. (ادع الى سبيل
ربك بالحكمة والموعظة الحسنة وجادلهم بالتي هي احسن ان ربك هو
اعلم بمن ضل عن سبيله و هو اعلم بالمتهدين) صدق الله العظيم وبلغ
رسوله الكريم:
بدايت موعظه منزهة بخدمتكم كه كي مسائل اطرافنده دونه جكنى
عرض ايتشمدم. بو كونده ينه اودائره داخلنده اداره كلام ايدم جكنم.